

Latgališu kultūrys goda bolva „Boņuks 2014” Nūlykums

Latgališu kultūrys goda bolva teik taiseita ar mierki apkūpuot lobuokū padareitū i lobuokuos nūtikšonys pāmejā godā, gūdynuot aktīvuokūs Latgolys kultūrys puorstuovus, popularizātuojus, veicynuot jaunradis i kultūrys daudzveideibys atteisteibu iz prīšku.

Projekta ideja i mierki

Veicynuot latgališu kulturvidis saglobuošonu i atteisteibu. Apkūpuot i gūdynuot spylgtuokūs i nūzeimeiguokūs sasnāgumus latgališu kulturā pārnejuo goda grīzumā.

Reikuotuoji

Latgolys viestnīceiba GORS sadarreibā ar bīdreibom „Kukuži” i „Latgolys Producentu Grupa”.

Nominceju pretendenti

Fiziskys voi juridiskys personys, kas sovā darreibā i jaunradē sagloboj, atteista i popularizej latgališu kulturu, lītoj latgališu volūdu i atbīst kaidai nu nūlykumā minātūs nominceju.

Bolva teik daškierta par spylgtu, kvalitatīvu, sabīdriski nūzeimeigu, sabīdreibys i profesionāļu atzineibu dabuojušu darreibu voi jaunradi kultūrys laukā 2014. godā.

Nomincejis

- Goda cylvāks kulturā;
- Goda nūtikšona;
- Par myuža īguļdejumu latgališu kultūrys atteisteibā;
- Par latgališu volūdys populariziešonu;
- Goda amatnīks/saiminīks;
- Goda snāgums vizualajā muokslā;
- Goda snāgums skotuvīs muokslā;
- Goda snāgums audiovizualajā muokslā.

Goda bolvys muzykā:

- Lobuokais snāgums pop/rock muzykā;
- Lobuokais snāgums šlagermuzykā;
- Lobuokais snāgums tautys muzykā;
- Lobuokais snāgums alternativajā muzykā;
- Lobuokais snāgums akademiskajā muzykā;
- Lobuokais muzykys video;
- Goda debeja muzykā;
- Radejis hits.

Goda bolvys literaturā:

Lobuokuo proza;
Lobuokuo dzeja;
Lobuokais izdavums/gruomota;
Goda debeja literaturā.

Vyspuoreji nūsacejumi

Vīna persona voi personu grupa var tikt dasaceita vairuokom nominacejom.

Gadejumā, ka kaidai nu nominaceju nav dasaceiti koč 3 pretendenti, par tū bolva nateik daškierta.

Žurejai, sasprīžūt sovā vydā i bolsojūt par sovu sprīdumu, ir tīseibys guoduot par kaidys nominacejys nadaškiēršonu voi kaidys bolvys daškiēršonu kluotyn.

Nominaceju skaidrojumi

Bolvai „**Goda cylvāks kulturā**” var dasaceit personu, kas pārnejā godā davuse tīvereibys cīneigu tīguļdejumu latgalīšu kulturys, sabīdriskuos dzeivis i volūdys atteisteibā, uzturiešonā i populariziešonā.

Bolvai „**Goda nūtikšona**” var dasaceit sevkuru kvalitatīvu, tīvereibu dabuojušu sabīdrisku pasuokumu, projektu, kas nūtics pārnejā godā ar mierki saglobuot, uzturēt, popularizēt latgalīšu kulturu, kulturvidi, volūdu i tml.

Bolvai „**Par myuža tīguļdejumu latgalīšu kulturys atteisteibā**” var dasaceit sevkuru fizisku personu, kas ilgā laika periodā snāguse nūzeimeigu tīguļdejumu latgalīšu kulturys, dzeiviszinis, volūdys uzturiešonā, atteisteišonā, populariziešonā.

Bolvai „**Par latgalīšu volūdys populariziešonu**” var dasaceit fizisku voi juridisku personu, kas 2014. godā sovā darbeibā (publikacejis, akcejis, nūtikšonys, izdevnīceiba, kulturizgleiteiba i c.) populariziejuse, saglobuojuse i atteistiejuse latgalīšu volūdu.

Bolvai „**Goda amatnīks/saiminīks**” var dasaceit fizisku voi juridisku personu, kas sovā saimnīciskajā darbeibā snāguse nūzeimeigu tīguļdejumu latgalīšu kulturys, dzeiviszinis, tradiceju i volūdys atteisteibā.

Bolvai „**Par goda snāgumu vizualajā muokslā**” var dasaceit fizisku voi juridisku personu, kas 2014. godā paruodejuse spylgtu, augši nūvārtātu snāgumu vizualajā muokslā (izstuožu, pleneru, meistardarbneicu organiziešona, daleiba izstuodēs, pietnīceiba, publicistika i tml.).

Bolvai „**Par goda snāgumu skotuvīs muokslā**” var dasaceit fizisku voi juridisku personu, kas 2014. godā paruodejuse spylgtu, kvalitatīvu, sabīdriski nūzeimeigu, augši nūvārtātu snāgumu skotuvīs muokslā (teatris, deja, koncertizvadums i tml.).

Bolvai „**Par goda snāgumu audiovizualajā muokslā**” var dasaceit fizisku voi juridisku personu, kas 2014. godā paruodejuse spylgtu, kvalitatīvu, sabīdriski nūzeimeigu, augši nūvārtātu snāgumu audiovizualajā muokslā (kinys, mutimedēju projekti, televizejis i radeju projekti i tml.).

****Dasokūt pretendētus nominacejom ir juoaizpiļda dasacejuma anketa (nominaceja, pretendents, dasaceituoja kontaktinformaceja, aproksts leidz 2000 zeimu). Pi anketys kluotyn juodalīk materiali, t. sk. publikacejis, recenzejis, audio i video materiali i c.***

Muzyka *

Bolvai „Lobuokais snāgums pop/rock muzikā”, „Lobuokais snāgums šlagermuzikā”, „Lobuokais snāgums tautys muzikā”, „Lobuokais snāgums alternativajā muzikā” i „Lobuokais snāgums akademiskajā muzikā” var dasaceit audio īrokstu, albumu, cytu snāgumu atbilstūšu īprīšk nūsauktim žanrim, kas taiseits i atruodeits publiski 2014. godā.

Bolvai „Lobuokais muzykys video” var dasaceit 2014. godā taiseitu i publiski atruodeitu muzykys video.

Bolvai „Goda debeja muzikā” var dasaceit sevkuuru personu, muzykalu apvīneibu, kas 2014. godā ir izdavuse muzykalu skaņdorbu, sataisejuse video voi ītrakstejuse albumu, oficialajai muzykalajai darbeibys pīredzei napuorsnādzūt treis godus.

Nominacejys „Radejys hits” rezultati tiks nūsaceiti, jemūt vārā bīdeibys „Latvijas Izpildītāju un producentu apvienība” (LaIPA) īdūtūs Latvejys radeju datus par 2014. godā vysu vaira atskaņuotajom latgalīšu kompozicejom. Nominacejā “Radejys hits” var pretendēt dzīsmis, kas izskaniejušys vysmoz 3 radeju stacejuos i publicātys laika periodā nu 2013. goda 1. decembra.

*** Dasokūt pretendentus nominacejom muzykys sadaļā, vālamys īdūt muzykalū materialu īroksta veidā:
dzīsmem – .mp3, .wav formatā,
video - .avi, .wmv, .mp4 voi cytys lobys kvalītatis video fails,
albumam – CD, MC, vinila voi cyta veida izdūtuo materiala originals.**

Literatura*

Bolvai „Lobuokuo proza”, „Lobuokuo dzeja”, „Lobuokais izdavums/gruomota” var dasaceit dorbus, kas padareiti, publicāti 2014. godā.

Bolvai „Goda debeja literaturā” var dasaceit autoru, kas pārnejā godā radejys i publiciejs sovu dorbu (oficialajai darbeibai kai literarajam autoram napuorsnādzūt treis godus).

*** Dasokūt pretendentus nominacejom sadaļā „Literatura”, byutu labi īdūt literarū materialu izdrukavuota, elektroniska faila voi gruomotys formā.**

Pretendentu dasaceišonu dora juridiskys, fiziskys personys voi personu grupys. Dasacejumu skaitam rūbežu nav.

Nominaceju dasacejumus da 15. janvara var īsyuteit elektroniski (pa adresam bonuks@rezekne.lv), kai ari syūtūt pa postam (posta štampels 13. janvars): Dasacejums Latgalīšu kulturys goda bolvai „Bonuks 2014”, Latgolys viestnīceiba GORS, Pīļs īla 4, Rēzekne, LV 4601, Latveja.

Viertiešana

Bolvom dasaceitūs dorbis, tūs autorus, autoru grupys viertēs īprīšk sataiseita komiseja, kurys dalinīkim ir ilga profesionala pīredze, dorbojūtīs kotrā nu nomicaceju kategorejom. Kotrai nomicacejai teik taiseits atškireigs komisejis sastuovs.

Gadīnī, ka kaidis nu komisejis dalinīku ir saisteits ar kaidu nu nomicaceju voi rūnās interešu konflikts, jis/jei napīsadola konkretuos nomicacejis kandidatu izviertiešonys procesā.

Apbolvuošana

Piec komisejis viertejuma apkūpuošonys teik paziņotys nomicacejis i nominanti.

Latgališu kulturys goda bolvu sajiemieji teik paziņuoti svineigajā bolvu padūšonys ceremonejā Latgolys viestnīceibā GORS 2015. goda 22. februārī.

Sasazynuošonai:
bonuks@rezekne.lv, 26387783